

5. Օրինագիծ երկաթուղային կայարանի ծառայողների համար կոուպերատիվ խանութ բանալու մասին-գ. ընթերցում.

6. Հատուկ պառլամենտական կոմիտեայի ընտրություն գեմ. Պլատոնովի կոմիտեայի գործունեությունը և դրամական հաշիվը քննելու համար.

7. Պատգամավոր Արշ. Մելիքյանի հայտարարությունը խորհրդարանին այն մասին, որ ինքն այլևս չի կարող մնալ խորհրդարանի անդամ.

8. Ընթացիկ գործեր:

Մ. Հարությունյան - Առաջին հերթին քննել այն հարցերը, որոնք անհետաձգելի են և հարցերն ու հարցապնդումները թողնել վերջընթեր հերթին-ընդունվում է:

Կարդացվում, ընդունվում և վերջնականապես հաստատվում է զինվորական մինիստրին արտակարգ ծախքերի համար ութ միլիոն վարկ բանալու մասին օրինագիծը:

Ընդունվում է առաջարկ. 3 հոգուց բաղկացած պառլամենտական մի կոմիտեա կազմել՝ քննելու գեմ. Պլատոնովի կոմիտեայի գործունեությունը և կորպուսի լիկվիդացիայի ենթարկված հաշիվները՝ թե թիֆլիսում և թե Երևանում:

Շտատային բոլոր տեսակի ծախքերը կատարել նույնքան ամսի համար՝ համաձայն նախահաշվի, անցնում է միաձայն և վերջնականապես հաստատվում և հանձնարարվում է կառավարության:

Երկար վիճաբանության տեղիք է տալիս պատգամավոր Արշ. Մելիքյանի հրաժարականը և նրա փոխարեն սոցիալ-դեմոկրատական ֆրակցիայի առաջարկը Ղարաբեկյանին ընդունելու մասին: Մասնակցում են վիճաբանությանը՝ Մ. Հարությունյան, Յ. Ազատյան, Յ. Բուդաղյան, Ս. Մամիկոնյան, Թ. Ավդալբեկյան, Ս. Թորոսյան, Ն. Աղբալյան, իրավարարության մին. Ս. Հարությունյան, Յ. Ստեփանյան: Չախակողմյան ֆրակցիաների ներկայացուցիչները և Ս. Մամիկոնյան պնդում ու հիմնավորում են իրենց պահանջը՝ մեծամասնականներին անկախ սոցիալ-դեմոկրատական ֆրակցիայից մի տեղ տալու և Ղարաբեկյանին պատգամավոր ճանաչելու մասին, ընդհակառակը՝ կենտրոնի և քաղաղմյան ֆրակցիաները պնդում են ու շեշտում իրենց կարծիքի օրինականությունը, այսինքն մեծամասնականներին տեղ տալը ի հաշիվ սոցիալ-դեմոկրատական ֆրակցիայի և այն աննորմալ փոխհարաբերությունը, որ կարող է ստեղծվել խորհրդայանում, եթե իրոք ընդունվի այն, ինչ որ առաջարկում են ծախքերը. այսինքն նորանոր խմբակցություններ, նոր հոսանքներ կարող են առաջարկել իրենց ներկայացուցիչներին ընդունել խորհրդարան՝ մեծամասնականների օրինակով:

Ընդունվում է դաշնակցական ֆրակցիայի բանաձևը - Արշ. Մելիքյանի հրաժարականն ու Ղարաբեկյանի մանդատը հանձնել մանդատային հանձնաժողովին՝ ի քննություն:

Սոցիալ-դեմոկրատական ֆրակցիան ի նշան բողոքի հեռանում է միստից ամբողջ կազմով:

Դ. Չուբյան - Էսեռական ֆրակցիայի կողմից առաջարկում է հանձնարարել մանդատային հանձնաժողովին, որ հաջորդ միստին անպայման բերի քննության արդյունքը ու եզրակացությունը:

Դպրոցական հանձնաժողովի զեկուցումը Հայաստանի դպրոցական գործի վերաբերմամբ լսելով, խորհրդարանը որոշեց հանձնել այն կառավարությանը՝ թվական տվյալներով լրացնելու և շատ կարճ միջոցում խորհրդարան վերադարձնելու:

Հարցերն ու հարցապնդումները հետաձգվում են հետագա միստին:
Նիստը փակվեց գիշերվա ժ. 11-ին:

«Ձանգ», 18 դեկտեմբերի 1918թ.

38-ՐԴ ՆԻՍ

19 նոյեմբերի 1918թ.

Նախագահում է Գ. Տեր-Խաչատրյան. մինիստրական օբյակում են՝ Մինիստր-նախագահ, արտաքին գործոց, ներքին գործոց և իրավարարության մինիստր-ները:

Նախագահը կարդում է օրակարգը.

1. Հարցումներ և հարցապնդումներ.
2. Դպրոցական հանձնաժողովի զեկուցումը.
3. Մի խումբ պատգամավորների առաջարկը Ախալքալաքի գաղթականների վերադարձի մասին.
4. Զինվորական մինիստրության արտակարգ ծախքերի համար ութ միլիոնի վարկ բանալու մասին.